



Iolan por la scincunda de n möt, de na möta

Te nosta stöa anse endô la cöna.
 Ligreza y vita nea te nosta familia ára porté.
 Nos geniturs te rengraziun, o Signur,
 de cösta nea creatöra,
 al é la scincunda plü grana de to amur.
 Iolan che tö nes as cherdé a dé ennant la vita,
 fá ch'i sunse ince bogn da somené
 y da fá cresce la planta dla fede,
 co dá valur ala vita sön cösc monn
 y co nes condüj a te. Amen



Vita de ploania y de paisc

- **Iolan dles ofertes en recort dla † Lena Frena Brandlechner:** Rosalia Morlang, Angela Frena, fam. Trebo dal Schneider, Lisele Willeit, fam. Hubert Ploner, fam. Pepi Comploi por la dlijia; Angela Frena, Albert Willeit por la Caritas/Trei Resc; Gabriela y Jep Rindler por la "Krebshilfe"; Emma Rindler por santes messes; personal dles scores dla direziun d'Al Plan por i misionari da Steyl.
- **Iolan ince ciamó dla oferta en recort dla † Anna Konrater ved. Palfrader:** Albert y Tresele Willeit por i Trei Resc.
- **Sontada dal consei d'aministrazion en jöbia ai 7 de forá:** cunc de dlijia, ciasa dal Mone da Pliscia, desvalies
- **Ofertes - tal pröm mez ann 2019 mess gní menades demez cöstes ofertes:**
24.03. patronat ALCI-KVW **28.04.** fonds de solidrieté dal clero
31.03. Kassian-Tschiederer Werk **05.05.** l'Università Catolica de Milan
19.04. oferta de Carsema "Misereor" **30.06.** obolo de San Pire
Dötes les atres romagn ala dlijia.

La vita é na ciancia – ciantela.
La vita é n'aventöra – vaighela.
La vita é fortuna – meritella.
La vita é vita – defenela.

Teresa da Calcutta

Döt le bun a: a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania

La Pli de Mareo

Santa Maria dal Bun Consei

Plaan: Signor Heinrich Perathoner
 E-mail: ploania@gmx.net

Calogna Al Plan: 0474 501006
 Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

03.02.2019 - 4. domegna ia por l'ann

n. 10

Le Signur m'á mené a ti porté ai püri na noela de ligreza y a ti encündé ai sarés ia la liberaziun. Alleluia!

📖 **Ier 1, 4–5,17–19 | 1 Cor 12, 31 – 13, 13 | Lc 4, 21–30**

Dal Vangelo do San Lúca:

Te chel tomp ²¹á Gejú motü man tla sinagoga de Nazaret da splighé: Encö s'á ademplí la parora dla Scritöra ch'i eis der aldí con ostes oredles. ²²Söa pordica gnea tuta sö ben da düc; ai se fajea demorveia, coch'al sâ da baié y dijea: Ne n'é nia cösc le fi de Ojep? ²³Mo el ti á respognü: Dessogü me tireise dant le proverb: Mede, varecete te enstes! Sce t'as belo fat a Cafárnaum de te'gran cosses, coch'i án aldí, spo fales ince atló te töa patria! ²⁴Y al á enjunté: Amen, i ves diji: Degün profet ne ven reconesciü te söa patria. ²⁵Veramonter, cösc ves diji: Te Ísrael êl n gröm de vedoes en chi dis de Elía, canche le ci ea slüt por trei agn y sis mensc y al ea gnü na gran ciarestia sora döt le raiun. ²⁶Mo a degüna de cheres ne ti él gnü orcé Elía, mâ a na vedoa a Sarépta dlungia Sídonn. ²⁷Y al ea trec levrusc te Ísrael al tomp dal profet Elíscia. Mo degügn de chi n'é gnüs varís, mâ Náamann, le sírach. ²⁸Canche la jont tla sinagoga â aldí cösc, s'ái dessené. ²⁹Ai é saltés sö y á paré Gejú fora de ciüté; ai l'á condüt cina sön l'ur dal crep, sön chel che söa ciüté ea gnüda fata sö, y ai orea le sciuré jö. ³⁰Mo el é passé amesa la meja fora y s'an é jü demez.

Oraziun dal de

Periun! Signur, nosc Dio, te nes as cherié por to lalt: fá ch'i t'onorunse con döt le cör y ch'i ti orunse bun ala jont desche tö i ôs bun.

Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.

(Lezionar C)



📖 **Letöres dla 5. domegna ia por l'ann:**

Is 6, 1–2a.3–8 | 1 Cor 15, 1–11 | Lc 5, 1–11

Edema liturgica dai 03.02. ai 10.02.2019

DOM 03.	4. domegna ia por l'ann <i>Blaje, Ansgar, Oskar, Simeon y Hannah</i> De dla vita
08:30	gran messa por dōta la ploania, <i>oferta por i debojūgns dla ploania</i> benedisciun de San Blaje
→ 14:00 10 y 18	funziun de ringraziamont dla vita y benedisciun dai pici mituns <i>s.m. a Al Plan</i>
Lön 04. 07:30	<i>Rabanus Maurus, Agata, Veronika</i> <i>s.m. a Al Plan</i>
Ded 05. 07:30	<i>Ingenuin y Albuin veschi de Jênn, Adelheid, Elisabeth</i> s.m. por †† fredesc Ellecosta da Taibun s.m. en onú de Santa Maria da Fatima s.m. por les Püres Armes
Dem 06. 18:00	<i>Paul Miki y compagns, Dorotea, Amando</i> <i>s.m. a Al Plan</i>
Jöb 07. 19:30	<i>Richard, Eugenio</i> s.m. de rengraziamont por Nese Erlacher, Cargá s.m. por † Maria Rubatscher ved. Crazzolarà, La Sala
Ven 08. 07:10	<i>Hieronimus Āmiliani, Josefina Bakhita, Filip</i> <i>s.m. a Al Plan</i>
Sab 09. 18:00 19:30	<i>Sabeda de Santa Maria Apolonia, Alexia, Anna Katharina</i> <i>s.m. prefestia a Al Plan</i> s.m. prefestia por fam. Fonso Pedevilla, Soröa s.m. por † Anastasia Terza, André s.m. por † Maria Pedevilla ved. Morlang, Parü
DOM 10.	5. domegna ia por l'ann <i>Scolastica, Wilhelm, Silvan</i>
08:30 10 y 18	gran messa por dōta la ploania <i>oferta por i debojūgns dla ploania</i> <i>s.m. a Al Plan</i>
<i>ampola:</i>	por fam. Rovara, Plans
<i>ministronc:</i>	▶ da doman y domegna: Valentina Willeit y Natalie Comploi ▶ da sera y domegna: Angela Santollini y Emilie Rigo



Töa jont: de bi amisc ... (Lc 4, 21–30)

I ponsi do

*La jont de so paisc tól sö
Gejú con morveia, mo spo
le refodeiai y proa cinamai
da l'eliminé. Danterete
aldiunse la parora tlera y
sonziera de Gejú, co ne ti
dá nia tan d'emportanza
al'aproaziun y al aplaus, mo
ala verité.
Al n'è nia da s'an fá
demorveia sce la jont,
confrontada con le
Vangelo, mūda saurí
minunga y tol posiziuns
desvalies: la Parora de Dio
n'á nia pora da gní
refodada, ara se iera
coerenza y fedelté.*

I preii ensciö

Ci amisc, chi de to paisc, Gejú!
Empröma te tölai sö bun, se fej demorveia de
töes parores y spo ói te sciüré jö de na crepa.
Cösc cambiamont de minunga y de
comportamont te tū confrunc mo sa demorveia.
I mo damani ciodi ch'ara é jüda ensciö y i ne ciafi
degüna spligaziun.
Spo ciari encerch y m'anadá che nos fajun ince
avisa ensciö. amisc fedei tles parores o te val
momonc dla vita, mo destachés y dalunc da te te
d'atres situaziuns, superfiziai, sonza enteresc y
cinamai arjignés da te desmoncé.
Al passa i agn, se mūda i tomps, mo la storia
romagn anfat y tö es entres al zenter: amé o
refodé, chirí o tradí. Dámo fedelté, amizizia
sonziera y amur por la verité, ince canch'ara ne
būta nia y se iera sacrifici y coerenza.

Walter Cazzaniga, Parola amica – Il Vangelo della domenica per ragazzi

La storia de Noé cuntada ai mituns (4)



Noé codüj i tiers sön l'arca

Finalmonter ái roé da fá la gran barca. Sen condüjea Noé y
söa familia i tiers adalerch, de vigne sort en mandl y na
baibele, desche Chelbeldio á orü. Al i condüjea tres l'entrada
sön barca olache ai ess podü sté por le tomp co á da gní.
Al ea na ligna de tiers de dúc i corusc, de gragn y de pici,
desco i gran elefonc y les pices sorüces, les antilopes
asveltes y i sgnec pegri. Ince i corf y i papagai, mosces y

paí, bisches y tartarughes, iac y schirates jea sön barca.
Noé á arjigné ca döt der bun. Mo ara á döré dio cina che dúc i tiers ea finalmonter
sön barca. Spo á Noé ciamó condüt d'atri tiers sön barca por i podei i ofrí sö a
Chelbeldio do le gran diluve. Al á ince ciarié sö ojadöra por i tiers y speisa assá por
el y söa familia.
Spo á dit Chelbeldio a Noé: „Sen messeise ince os dúc jí sön barca! Te set dis gnarál
le gran diluve!“ Danló é jü Noé a do söa fomena, sü mituns, söes nores y sü nus.
Dúc é jüs sön barca y Chelbeldio enstes á slüt la porta.
Sön la gran barca ea sen dúc al sogü, porsones y tiers. Degüna ega ne podea ete.
Chelbeldio á empormetü da ciaré sön l'arca y sön dúc chi co ea lassora.